

毛

詩

物

名

考

序

昔孔子教小子學詩其卒言曰多識於鳥獸草木之名  
鳥獸草木物耳名物之表耳奚多識之足尙物有形色  
物有性情忠臣義士貞女幽婦鬱結於中欲吐不及吐  
者有物焉若代爲傳之俾天下後世讀詩者不待辭之  
畢早知其意之所屬則此興之爲義甚深而鳥獸草木  
之有裨於興觀羣怨事父事君者多矣顧後之人往往  
畧之其不畧者又或泥於舊說惴惴莫據證之此而舛  
證之彼而益舛物不目見而憑臆以斷其是非鑿聖者

不能也余自童年喜考較物類屢以喪志見誚友朋然  
於物之形色性情或能得其一二及反而證之爾雅諸  
書多不合者今古異呼方土殊名傳寫之訛謬假借轉  
註之變移其又奚怪然則以物註詩不如以詩註物之  
爲得也原其興感之由叅以此舉之義合衆說以折疑  
憑目見以徵信目所及而詩未及者附以備考詩已及  
而目未及者缺以待詳如是者其亦足信乎未敢以爲  
信也世有游雁廣而見聞普者訂余之誤匡余之不逮  
務得其是爲讀詩之一助是所望於博物君子焉

嘉慶十九年歲次丙戌嘉平月棲霞卒應震寅同氏書

於澤東學舍

毛詩名物攷序

詩之爲道也成孝敬重人倫教化出焉物理備焉  
故孔子曰事父事君多識於鳥獸草木之名自漢  
唐以來說詩者各本所學著爲論說釋解紛紜而  
詩之詞旨多歧出而反晦朱子參稽羣說研求精  
義爲集傳一書於是詩教始明世奉爲法其中名  
物象數至爲繁曠大而天地山川細而蟲魚禽鳥  
誠欲條釋縷注憂憂難之棲霞牟廬坡先生閒與  
族兄弟松屢陌人兩先生講解毛詩互相發明廬

坡兼採眾說引古証今著爲一編曰毛詩名物攷  
凡詩所載一名一物靡不折中異同晰疑辨似詳  
考而備錄之其有功於集傳豈淺鮮哉余惟詩三  
百篇多託物言志先生蓋於賦比興之旨默有會  
焉特卽因物寄懷之隱揭以示人歟然於詩人詠  
歌之意孔子論詩之言學者講習之方夫固大有  
裨云

道光著雍涪灘小陽上澣之吉古邾孟廣均雨山  
氏拜手敘

書孟雨山太史毛詩名物考序後

牟盧坡名應震乾隆癸卯舉人性孝友年四十時  
居濟南聞其弟歿髣尺餘一夜盡白官禹城訓導  
創立書院修縣誌啟迪後進振拔單寒慷慨多義  
舉張南崧學使續山左詩鈔盧坡與疏佐理顯微  
闡幽殫盡心力陞青州教授年已八旬因無子孫  
產業散族人殆盡盧坡善畫工詩生平著作甚富  
如周易夏小正等書板已不知所在所著詩間及  
毛詩名物考板存濟南刻坊數十年來遺失九十

餘貢盧坡與

晚

同出滇南劉寄菴先生門下休戚

相關豈忍膜視糾集同人爲之補刻庶幾不至淹  
沒牟陌人名廷相晚年改名庭乾隆乙卯優貢官  
觀城訓導未半年告歸趙鹿泉學使最器重之嘗  
對登郡諸生言曰牟某經學我不如也迨回京每  
逢鄉試云有能中牟某解元者可謂巨眼阮芸臺  
先生來督學考優貢候其文到方示試期閒以金  
石文字並勾股法相質証歷科主考在都聞其名  
見文有精深者以爲陌人往往誤中他人嘉慶丁



卯姚秋農先生爲主司榜發後從晚處得其遺卷  
另加評點東阿令安肅張春巖先生煦見其文嘆  
曰觀破題已爲六千卷所無庚午房考劉也僑先  
生東里梓其遺卷徧示同考數科以來榜發後卷  
落某房每以不薦爲恥其他房考皆以牟某文不  
在其房爲幸有贈以關節者輒力辭不受其一生  
行誼類如此牟松巖名昌裕乾隆庚戌進士以御  
史終寄菴先生在都贈以詩有句云羞將善罵依  
名士獨以無爭到古人名重烏臺亦諫垣中之健

者三公皆棲霞人俱以經學名晚與相交有素故  
爲之舉其梗概云道光二十九年歲次己酉夏四  
月八十三歲老人厯城朱晚枚人氏謹識於紅蕉  
山館

毛詩物名考

樓饌卒應

鳥部第一

獸脊穹而腹坦天地之象也鳥則反之腹員而脊方獸行地鳥敷天也獸之蹠下交鳥上交本乎天者親土也獸足四鳥翼兩而足兩亦四象也五指應乎五藏鳥趾四藏亦闕一焉肺爲金金性沉鳥浮而上飛故無肺肺附於鬲無肺亦無鬲也山鳥短頸而長尾前後輕重相稱也水鳥長頸而短尾

尾短者股高其飛也縮頸而伸足以足爲尾也羽  
長者善飛足高者喜立股短者躍脛長者步直喙  
者前啄鈎喙者後掇各其性之適也有流寓焉春  
北秋南應其候也有土著焉營巢哺子安其所也  
鷺鳥老而陽亢上飛不能下入罡風之界化爲游  
絲凡鳥老而火熾橫飛不知反入清冷之淵化爲  
庶介理或有之見其生未見其死也其喙曰味隴  
曰吭著食者曰嚙項曰領領毛曰翕翅曰翼翼長  
毛曰翎翎之本曰翮覆翮者曰翮附翮者曰褊腹

毛曰羣尾長毛曰翹附肉不成片者曰揅理其手  
曰唼朝鳴曰嘲夜鳴曰啞和鳴曰喈喈聲連不斷  
曰膠膠宛轉可聽曰綿蠻兩情相屬曰關關舉翅  
曰振飲翅曰翫小飛曰獵大飛曰聳直上曰矞高  
起曰參數曰習疾曰翼曰翩翩回旋曰翔停頓曰  
發舒緩曰泄泄輕拂曰翩翩整齊曰肅肅有聲曰  
翩翩羣飛如織曰交交並飛不齊曰差池一上一  
下曰頡頏羽下垂曰毵毵毛不整曰毵毵羽解曰  
殫殺曰殫殫敗曰脩脩其致之也矢取之曰弋網

取之曰羅機取之曰罟媒取之曰囹養之曰籠

隹鳩

魚鷹也一名鷂鷂鷂首鳬頸鳬尾鳴掌鈞喙深目

色黑如烏李時珍曰盧茲皆黑色此鳥深黑故名  
漁人養十數載小舟用以捕魚鰲鳥也鰲鳥不羣此  
獨羣故詩取以為與今解者以為鳬類鳬凡鳥非鰲  
鳥也說文以為鰲鰲山禽非水禽也爾雅註以為鷂  
鷂鰲類山禽之尤大者好在江邊食魚尤屬健說山  
禽無食腥者惟食經

以為魚鷹者得之

展風

祝鳩也形似鷹而尾上白故一名白鴈其飛稍遲  
乘風力循村落溝塍捕鷄鴨小鳥雀食之俗名風

鷄亦曰

鷄鷄

鷄鷄

也鈞喙利爪元背黃睛首有毛角怒則微見一  
歲曰黃鷄胸毛色黃也二歲曰粗蒼三歲曰老蒼年

愈多胸毛愈白花文愈細獵者養以捕兔曰兔鷄  
亦曰大鷄鷄雄者小能捕雉曰鷄鷄亦曰小鷄

鵒

似鷹而小能搏鵒鵒之類

鵒

似鵒而小者曰細鵒似細鵒而微粗者曰斑鵒其尤小者曰花鵒皆能搏燕雀之類均呼為雀鵒

酉陽雜俎驚鳥雄小而雌大凡鳥雄大而雌小驗

之信然免鷹與鷄鷹為雌雄鷄之與細鷄斑鷄之

與花鷄免鷄之與鳴鷄皆然雄有內腎雌無有也

以是推之鵒鵒鵒鵒之屬當無不然者

鵒

鵒鵒也一名鵒鵒鵒鵒通音與鷹為別類員首黑睛鵒胸紫章翅長及尾短股長爪掌心有肉墊如

九取免以掌擊之故曰免鵒

其雄者小搏野鵒曰鵒鵒

隼

鵒也曾經曰奪曰鵒今人呼為奪子是也似鵒而小飛最疾擊鳥雀如奪故一名擊征鵒風搖翅如扇

故又名題肩題肩者提肩也月令征鳥屬疾謂此  
 爾雅註題肩或名曰鷹春化為鳩郭知鳩為鳩鳴而  
 不知題肩非鷹也題肩與鷦鷯為類迥別題肩鷽也  
 鷽隼古通音故左傳以鷽鷽並稱古人見其擊雀因  
 亦誤呼為鷽耳題肩形同鷽鷽春日題肩南北而鳴  
 來所見皆鷽鷽故曰鷽化為鷽秋曰鷽鳴南而題肩  
 之說原係古人誤會留意驗之知非謬也

鳴鳩

爾雅鳴鳩鵲鵲猶云拮据也鳥喜動飛鳴無停刻  
 故名形似題肩而背元故一名青肩奪鵲巢而鳴  
 聒聒不休故又曰鳴鳩鼓翅翅空際停羽許時故記曰  
 鳴鳩拂其羽食蟬盡及出巢小鳥詩專言鳩皆謂此

鳩之謂言究也亦曰聚也鳥之驚者不與凡羣尊

之象也凡鳥避之畏威之義也故命官者取之司

徒教稼耨者是鳥也依村落循溝塍有似乎巡省



也名之曰祝鳩祝者屬也屬以事也司馬主兵者  
也是鳥也察及重淵鷺而不暴有似乎詳審也名  
之曰鵙鵙鳴者赳也赳赳也不輕進也司寇主刑  
者也是鳥機警來去無停滯有似乎明斷也名之  
曰鷓鴣鷓者爽也司空冬官也空工也百工起事  
也或曰空官也農事畢而官功興也是鳥不自爲  
巢而營營不休趨事之象也名之曰鴈鴈鳴者尸  
也尸主也司事者統四司之事而並飭之猶周官  
之冢宰也是鳥敏而猛捷而有力名之曰鵙鵙

者滑也傳曰五鳩鳩民者也故凡言鳩者皆鷺鳥  
非鷺鳥不名爲鳩矣後人不達而以凡鳥當之於  
是有鷺鳩鷺鳩楚鳩荆鳩鷺鳩鷺鳩鷺鳩鷺鳩  
鳩鷺鳩鷺鳩種種諸名且以鷺爲祝鳩鷺鷺爲鷺  
鳩鷺鷺爲鷺鳩斑鷺爲斑鳩而鳩與鷺紛淆莫辨  
矣

桑鷺  
班鷺也似鷺而微小其鳴三字聲曰瑞穀穀頰毛  
邊際有采色曰瑞之燦燦然故曰有鷺其頰色淺  
白故曰瑞鷺食粟鳥也故曰率鷺啄粟淮南子桑鷺  
不食粟因瑞鷺二字而訛也爾雅桑鷺鷺脂句本係  
複出解者又因不食粟之說以爲青雀喜鷺脂膏是  
一誤再誤也今人轉音又訛鷺爲鳩呼爲班鷺並失

鵲行屬也似鳥而小尖喙長尾兩肩及脰間白巢戶背

太歲其音啁啁故名鵲其行亦躍亦步故擬為行屬

據樹為巢有他雄則爭蓋一樹無兩雄也詩曰鵲之

強強強爭不已之意為雄鵲言之以刺公子頑也

鵲青鵲也似乾鵲而小黑首褐胸翅尾色淺藍故曰

鵲竊藍其音啁啁至秋則合羣而噪故擬為秋鵲

戴勝一名戴鵲首有毛角長二三寸張之如分盾故

三字聲曰樓穀穀或擬其聲曰穫補補晴呼

其婦陰則逐之今人謂鳩呼婦即此鳥也

布穀或曰播穀播當作撥齊語以地鋤二次曰撥此

雀鷹惟直喙短股為異背色元故曰竊元夏鵲也

其二字聲曰撥穀其四字聲曰脫却布禪北人擬

之曰光棍撥鋤即杜宇之不如歸去也按李時珍

杜宇註曰狀如雀鵲而色黯黑赤口有小冠春暮

即鳴夜啼達旦鳴必向北夏日尤甚晝夜不止田

家候之以與農事食蟲不能為巢居他巢生子冬

日則蟄時珍所云與播穀悉同故玉篇雉字註云  
卽布穀也蓋此鳥飛空作四字聲止樹則作二字  
聲顧野王知其爲一鳥時珍未知故分布縷杜宇  
爲二鳥也邵康節洛陽橋聞杜鵑以爲天道北行  
鳥識氣機其言幸中人驚爲神使知杜

鵑卽布穀處處有之當啞然一笑矣

鷺

喙木鳥棘屬也形似戴勝而毛色灰綠其雌者下  
身若塗丹故曰竊丹常如利錐舌長數寸舌尖有  
倒刺啄蠹蟲以鈎出之其飛液其止附木

轉匝以喙叩木聞其聲卽知蠹之有無也

烏

白一名鸛鵒或又轉音作批頰南人呼爲鐵鵒哥  
色似烏而小長尾尾有岐如燕捷健有力烏鵒

之類畏之以五更鳴古人擬其聲曰架格架格頗  
不似北人擬之曰長工打水農人以爲興起起事

之候故又名曰鷺犁  
爾雅青鵒噴噴謂此

鷓鴣

山鷓也一作鷓鴣老屬也毛色灰褐兩腋下有花文  
嘴爪赤卵南石塘中盡常伏不動故曰鷓鴣安也

禽經云雉上有文鷄上有赤赤  
通尺亦通斤故莊子以爲斥鷃

黃鵠

似鷄而色杏黃雌雄相比雙飛雙集其卵有亦  
在北方每至冬間羣集河干噉食麥苗爾雅云

冬鴈竊黃獨察之鳥黃色  
者冬罕見也疑卽謂此鳥

鷺者執也執伏羣鳥也鴈者護也扈民不姪者也  
見形而思事聞聲而知鷺農家之憲書官家之鉅  
鐸也春日載陽土脈解凍春鴈趣耕也耕宜亟也  
鷄鳴昧旦宵鴈趣其晨興于耜舉趾行鴈趣其急  
事也執筐遵行婦女謀衣桑鴈趣亟蠶也木瓜木  
桃包苴行禮棘鴈趣護果也其笠伊糾其鐻斯趙

夏鴈趣耘也獲之擇擇積之栗栗秋鴈趣飲也至是而在野之事畢也百室盈止婦子寧止冬鴈趣宜家也胡考之寧胡考之休老鴈趣養老也傳曰鴈鴈爲農正是夏小正之先聲月令之鼻祖也

元鳥鴈鳥也背色元故名或又名乙象形也鴈頭黃口布翅歧尾紫脰者巢小雜泥草爲之紫脰者巢工細以春分至故傳曰司分者也又有通身黑者亦歧尾不能爲巢於梁棟間伏雛名曰海燕聲啾啾厭聽別種也

燕卽元鳥也字象形雌雄常並飛故曰燕燕

鴈當作鴈今經書所見多作鴈蓋傳寫之訛伯勞也一日伯趙以夏至鳴冬至止傳曰伯趙氏司至者也

雞司晨者也以五更鳴一名輪音各色俱有所見雞  
高二三尺大骨雞重六七斤矮脚雞股二寸秋毛雞  
足五趾本草所載長尾雞角  
雞俗名雞鶩雞各理俱未詳

桃蠶

俗名鵲鵲即鵲鵲也形似雀色褐紫而紫鵲鵲名  
其聲桃蠶名其色也以草根馬尾爲巢光圓可愛

其卵當腰有紅絲宛轉糾結如繪布穀卵其巢中此  
鳥不知也伏哺長成故俗語云鵲鵲窩裏出布穀小  
悉云輩允彼桃蠶拚  
飛爲鳥似與此合

巧婦

鳥之至小者色如初柳細小如葉俗名柳葉  
如卵殼以馬尾繫樹枝故曰巧目上白眉如畫

眉故曰巧婦性喜動穿  
樹啄飛蟲無停刻也

鵲雀

今名葦雞也如巧婦而大以樹根縛三葦中間  
爲巢如鵲形故曰鵲雀其聲喳喳土人又名曰

葦喳鵲雀也巧婦也鵲鵲  
也本三鳥今混呼爲一矣

雀瓦雀也今呼爲家雀以其巢人簷宇也首赤紫褐背黑斑性最淫交必十數鵠口黃俗曰黃口老則全黑冬間所見無老者其兩嘴角猶黃可驗也是知老則盡皆入水而留者皆當年雛鳥也

物之化生有可信有不可盡信可信者自無而之有也不可盡信者以此而爲彼也鴈鳩之化不言所憑易毛移翮非旦暮可致卒無耳目其蹤跡者以此知古人之誤也雀之入水海上人有見者千百爲羣望洋而去去而不反以是知其入水也然無由見其爲蛤也聞之海上漁者往往見泥團若球者破之雀也則雀之蟄水或亦猶鶩之蟄水平



而古人以爲爲蛤者又安知非因見其入水不反  
而蛤之文理有似鳥之羽者而懸斷之也田鼠墮  
處穴土化駕事或可信然必於將化未全化之際  
目驗其然乃敢信其確也雉化蜃蝦蟇化鵝田雞

化鵝有一見者可以徵信矣

鵝鵝鵝也鵝一作鵝形如鵝鵝毛色褐斑中界白文小

而善馴雄者聲宏亮鳴如喝叱羣雌奔隨之詩曰

之奔奔爲雌鵝言之以刺宣姜也

雉

漢以呂后諱改名野雞雄者翠首白項長尾身備五  
采各據一山遇雄則關諺云鵝分樹雉分山驗之信  
然其雉色夥褐無文采尾亦稍短爾雅所載名色甚多俱未詳

翟 一作鶴本草似雉而尾長三四尺

鵲 未詳說文走鳴長尾雞也陸疏微小於翟走而且鳴

黃鳥 鶯黃也形如瓦雀色黃而翫故名春秋南數十成羣故曰交交鳴必和故曰喈喈聲宛轉可聽故

曰綿蠻又曰睨睨睨睨與綿蠻通音非倉庚也倉庚喬棲此鳥不擇木故曰楚雀而詩亦云止楚止棘止

邱隅邱側也倉庚蟲食此鳥穀食故曰搏黍而詩亦云啄粟啄黍也自陸璣說註而三鳥混為一矣

倉庚 一名商庚一名黃鸝一名鶯形如斑鳩尖喙青脚毛色金黃眉翅黑色立春後鳴聲溜亮可聽冬蟄

田塘以泥自裹如卵至春復出

鳥 一名鷦一名鷦店鷦居切音作鷦也一名雅雅古鷦若鳥色純黑大嘴其音厭聽故今人以止屋為鷦鷯

其白腹白腹者畧小南人呼鷽鷽鳥能反哺者謂此鳥

山鳥

似鳥而小色黑而翠赤

雌

爾雅雌夫不即鴝鵒也似斑鴝而大色有元紫黑白

花斑之異依篇宇為巢其交也兩喙相銜先以氣接而後尾合生卵必雙月不失期以類相招羣必成羣去巢於野故曰鵲飛鵲下巢於苞棚謂巢於苞棚之旁以求食也來止於屋故曰鵲來思

鵲

陸佃云鵲羣居有行列故字從丰丰相次也形大於鵲而尖喙長頸短尾足無後趾身有豹文故一名

豹喜集平田尋啄遺粒詩曰集於苞棚謂集於苞棚之旁安得其食以反興已之不能力田以養親也非集於苞棚之上也苞者萌蘗叢生其力亦不能勝一鵲也說者謂集木則苦詩人不作此証語

鵲

詩省作脊令小水鳥也一名離渠形似小雞色黑項下黑毛如連錢短尾高足奔行如流俗名沙

石流伏育沙灘卵必四見人環飛哀鳴其聲迫急故詩取以喻急難也行近卵處寂然無聲亦點鳥也

鴻鴈春北秋南應候鳥也似鶩而小有蒼白二色飛必成行故曰鴈陣亦曰鴈字爾雅翼鴻鴈乃一物初

無其別至詩註乃云大曰鴻小曰鴈鴈易為有

鴛鴦雄曰鴛雌曰鴦狀如鳬色杏黃紅頰有長毛翠翼翅尾黑翅旁有五色采毛眠必顛倒各舒右翼於

外以助患故曰戢其左翼言戢左則知其舒右也

鳬野鶩也俗名野鴨狀似鴨而小色雖白翅有斑文埤雅云鳬鴈常以晨飛故鷄鳴篇云弋鳬與雁

鴨古作鵞鶩也喙扁而方尾短而上捲响坦而平其形似船古人師以為舟

雞類之交以氣鴨類之交以形世無分陰陽判雌

雄而不交者或見或不見耳變化論曰鷺目成而

受胎雀影接而懷卵鴛鴦交而野鵲傳枝似皆腹

說卽如鵠之傳枝卽其交也且能於空際飛時作  
合不知者信其爲關耳

鷗也一名水鷗色蒼黑常泛波上隨潮  
往來故一名信鳥如飛近岸知將風也

鷗鷗也形如蒼鷗色灰白喙長尺許其下吻如疊摺  
張之如扇廣尺許用以淘水并則尖削與上吻合一

諸書謂其頤下有皮袋容二升物者卽喙之下  
吻皮是也或謂袋中注水養魚者其說尤妄

鷗鷗也形如鷗而小色白首有長毛數莖如散絲  
故名青脚喜步又名春鋤言其步形如春如鋤也

鷗鷗也說文作鷗一名鷗老狀如鷗而大蒼黑  
色長頸赤目頂無毛而赤如鷗頂喙長尺餘

鷗丹頂赤目黑尾青脚毛色白亦有灰蒼色者其鳴曰  
唳聲高而清亮聞八九里故曰聲聞於天相鷗經謂

其二年子毛落三年羽翮成又七年而飛又七年鳴  
中律呂百六十年漸白如雪或純黑而繼又百六十

年相視而孕又百六十年胎產爲仙人騎鵬似  
皆臆說世無數百歲人其孰從而驗其誤也

禽經鵠以怨望鵠以貪顧雞以嘖睨鵠以怒嘖雀  
以猜瞿燕以狂吟視也鵠以喜轉鳥以悲啼鵠以  
饑鳴鶴以潔唳危以凶叫鵠以愁嘯鳴也

鵠詩北山省作鵠鵠小鳥詩曰鵠飛唳天知說文作鵠  
不誤也鵠似鵠而大其失翅短而員俗名團翅鵠毛  
有黃點俗又  
名芝蔴鵠

鵬似鷹而大色皂黑故名皂鵬以其翮爲矢良聞有  
大者翅橫畝未見也說文鵠鵬也按禽經鵬以周  
之又曰鵠以搏之知鵠與鵬非一鳥矣埤雅大鵬  
翔水上扇魚令出攫而食之亦臆說鵬不食魚也  
鵠也說文作鵠並與弋通音夏小正鳴弋弋爲之省  
文狀如鵬而小喜翔飛下覷鵠禽及人所棄腐臭之

物腹而食之莊子鴟得腐鼠見  
鴟雛過仰而覲之曰嚇即此鳥

與

說文不孝鳥也古人磔於木上以示警故字从木省  
圖如猫有毛角故又名角鴟圖目黃睛其黑珠瞳

字聲曰呱呱猫又時格格作笑聲耐雅狂茅鴟謂此  
圖扇如猫俗呼為猫頭鳥蓋曉夜出集人房屋其三

鴟

鴟二鳥也鴟即鴟常作梟鴟為害於晝梟為害於  
夜故曉印曰為梟為鴟而幽風亦鴟鴞並舉也按

鴟與梟木二鳥其形狀各別以其通音故傳  
寫或消陸疏以鴟鴞為鴞雀以鴟為鴞皆非

流

離一作鴟鴞梟之別名也陸璣曰自關而西謂梟為  
流離爾雅註此鳥少美長醜故詩曰流離之子

蘿

七月作鴟爾雅舊老鴟蘿象形字此鳥狀全似梟毛  
角笑時首圖如兔但身大於梟耳蹲高尺餘聲如昏

夜招呼行人之聲故婦問之而嘆也今解家所謂蘿  
者水鳥也長頸赤喙喙長尺餘集必水澤不止於邱

堙也或又謂其食蟻故  
鳴於蟻堙亦聽說也

聽聲考詳鵠聲宜學仙雉聲宜習武鳥聲宜習醫

鴈聲亦習、鵲聲宜習工巧巢聲宜習符咒

鳳凰

鳳四靈之一其形狀不可得詳必大鳥而五采備者也天老云鴻前鸞後蛇頸魚尾鸛頸龍文

龜背燕頤雞喙五色備舉山海經云首文曰德翼文曰順背文曰義腹文曰信膺文曰仁廣雅云雄鳴曰

嘒嘒雌鳴曰足足昏鳴曰固常晨鳴曰發明晝鳴曰保長舉鳴曰上翔集鳴曰野昌此皆以意爲之未足

爲據說文云鳳飛羣鳥從以萬數而近今志書所載多言來巢亦以羣鳥之從爲證俗曰百鳥朝鳳不知

鳥不恒見則羣鳥從之而噪噪所怪也非朝也如其靈而朝之胡不聞獸之從麟麟介之從龜龍乎爰

居止魯東門文仲祀之或亦有異於羣鳥之從而神之與

有異於羣鳥之從而神之與



毛詩物名考

棲霞牟應震寅同著

獸部第二

方言人初生謂之首獸初生謂之鼻獸與人對舉  
獸之臟腑與人近也爾雅二足而羽謂之禽四足  
而走謂之獸獸與禽對形獸之生成與禽異也禽  
之分以喙喙鈔者肉食直者穀食直而長者腥食  
直而鼻生豪者蟲食獸之分以足足趾者草食足  
爪者肉食足如人掌者果食足如犬足者或肉食

或穀食蹄者性懦爪者性暴如掌者性淫如犬足者性貪蹄無大用也與之以角所以衛也無角者與之牙牙屬於角也牙而濟之以爪備加甚矣故山中之獸以虎爲君蹄曰蹠角曰觸曰觚牙曰噬爪曰撲掌曰緣曰援各用其長也其成形也額曰定亦曰顛脖子曰項胸曰膺背骨直而穹者曰脊梁肘後曰脇脇後曰腋兩股間曰胯脛膺曰腓足曰趾趾上曲節曰跗毛曰豪豪秒曰末毛極細者曰絨立曰跼踞曰蹲以鼻搖物曰舐以舌舐物曰舔

舉尾者曰起尾曰近其取用於人也或以皮革瑱  
以筋骨或以角齒或以魚肉肉用以燕祭肥曰腍  
瘦曰瘠凝者曰脂釋者曰膏腸間脂曰膏口上肉  
曰服合毛火之曰炮剝皮火之曰炙貫而反覆炙  
之曰燔加火曰烈入鼎沃湯曰烹雜以葑藻曰臠  
爲醬曰醢血醢曰醢清汁曰羹薦體者曰俎薦醢  
者曰醢薦羹者曰登

馬齊之總名星應房駟於行屬火於卦屬乾爾雅牡  
曰騊牼曰駟今呼牡曰兒呼牼曰騊亦曰草去勢曰  
騊今曰騊一歲曰騊二歲曰騊三歲曰騊良曰騊謂  
曰騊和曰騊劣曰騊駟騊曰騊食曰騊立曰騊行曰

驥曰駉曰驂駒綬曰欵駉疾曰騁曰馳乳驄口倚浴  
於土曰驪勒口曰銜驪足曰駉今日絆籠首者曰絡

被身者曰騁跨之曰騎不施鞍而跨之曰騁古人  
宗廟射聘戎事田獵並資其力故詩於馬名特詳

駒說文馬二歲曰駒今為小馬之總名小馬  
初生不任服役自當以馬二歲為的解

驕高也說文馬  
高六尺也

駉說文馬高七尺也爾雅駉北驪壯詩云駉北三千者  
言駉馬之壯有三千也非謂駉即壯也莊子云壯壯

驪黃牝牡言形驪黃言色  
非謂驪即壯也爾雅設誤

駉爾雅膝上皆白謂駉又曰後左足白駉按字  
形馬足而中界之自當以膝上皆白為的解

駉字從馬今謂  
之露骨馬也

驂馬色純者有白有黃  
有黑驂則純赤色也

純黑  
色也

驪 驪黃白驪今花  
馬也黃白花馬也

駟 通駟今海驪也鬃脊尾黑而毛色青也微  
白者曰羊皮海驪微黃者曰杏黃海驪也

駮 色不純也兩雅駮白駮色不  
純者皆謂之駮不止駮白也

騏 其從糸為綦馬青黑  
色也雙色青黑為綦

駟 肩从糸為綦綦素  
色今謂之粉青也

駮 各从糸為絡絡絮也  
長毛茸茸似絮也

驪 原從糸為縑縑赤黃色也  
檀弓周人尚赤戎事乘驪

駟 因從气為氣从糸為細從火為烟  
烟雲網緼之色兩雅陰白雜毛駟

駮 丕从禾為駮色糖白似

駮 起也今謂之高梁紅也

驥 雲三色者亦通作雲埤雅外赤

駮 內青也蓋馬赤色而毛根青也

駮 駮以金為鐵馬

駮 黑赤似鐵也

駮 色烏黑如雌也爾雅蒼白雜

駮 毛驪楚項羽所乘馬曰烏驪

駮 色灰白而有豹斑如鳩

駮 也今謂之雨點花也

白顛 亦馬名今謂

白顛 之玉頂也

魚 馬二目白

魚 如魚目也

驪 馬旋毛紐結成片如鬣

驪 也今謂之捲毛獸也

驪 馬黃黑色膊間有

驪 捲毛如鱗魚也

駮馬背隆起似蝦今謂之龜背也或云馬背白色如蝦  
蝦色黑黃死而熱之方緒也此以形言不當以色言  
也

廐今或作驪驪父馬母生廐亦有馬父鳴母者以鼻  
分之驪父者驪鼻馬父者馬鼻也說文驪廐父馬

母驪駮  
父驪母

驪似廐而小長耳性馴順  
家便之故處處有之也

駱駝羊首駝頭高股股四節背有肉高也曰  
駱駝駝峰首上望故一名望羊北地所產

牛說文大牲也於行屬土於卦為坤壯曰牝曰特曰牝  
曰牝牝曰牝今以不涉勢者曰生犍子曰牝曰犍去

勢曰牝曰牝今以不涉勢者曰生犍子曰牝曰犍去  
犍三歲曰犍四歲曰牝五歲曰牝六歲曰牝鳴曰年  
食草曰辭吐而復嚙  
曰牝用以為牲曰牝

純色牛也轉與牡音通祭牛過色故夏耜云殺時牝

也九

牝

牝牛也

羊

說文羴羊也羴毛傳尾耑角者曰吳羊今日綿羊長

勢曰羴子曰羔羔五月曰羴六月曰羴七月曰達

羴

羴雅牝羊也爾雅說文註物名多

羴

羴雅牝羊也爾雅說文註物名多

羴

羴雅牝羊也爾雅說文註物名多

羴

羴雅牝羊也爾雅說文註物名多



勢曰積曰補子曰豚  
食曰積所寢處曰積

𪔐也牝系

縱生六月豚也縱從也說文尚豐  
聚也五稊五稊皆言蕃盛也

耕齊風假借作肩說父三歲豕有相及者祀縱研皆言野豕縱爲小豕故私研爲大豕故獻於公也

特用也禮天子特牛大夫特羊庶人特豚士特豕凡獨用一物者皆曰特伐檀有縣特兮得自狩獵知非家

齊其野豕之小者乎爾  
雅豕生三豕二師一特

齊風並驅從兩牡兮說者以獸爲解豈兩可兩俱皆  
牝獸而此一從乃兩牡乎兩牡又何獸之名乎詩人  
不應如此多夢伐檀詩言鉅言特末章言熟蓋狩獵  
必會獸重獲也通言有有復則所謂牡者亦言會也

角必雄也他禽之化牡不易辨雄之化牡易辨也  
風雉鳴求其牡或謂角不應稱此牡不知此牡雄也  
鳥獸之通稱畜牡雞司晨雞言牡亦可言

牡南山雄狐綴綴狐言雄亦可言雄矣

犬於行屬金於卦屬艮周禮政吠能止人屬艮能言屬  
兌行曰姦怒曰教吠曰噬噬亦曰狝狝謂曰狝吠

曰播狂曰獶去勢曰獶  
狗高四尺者曰獶

老犬也說文  
多毛曰老

盧犬之黑色  
而大者也

獫今細狗也犬有田犬守犬二種守取其類犬高成  
田取其健細善走也瘦而露骨故曰獫獫獫也

歇驕爾雅作獨獨短索犬也一說歇息也  
也載獫載犬也歇驕歇驕也獫犬隊長者巧短者

者之所乘也  
拙犬短喙獫

羊無瞳無上齒附胃有百葉牛無上齒有百葉  
腎不兩平一上一下上一腎附於肝馬無胆犬之  
心有虫如人之蛻而小長二三寸約七八條豕之  
臟腑似人驗之醫家言若信百獸之形不同其臟  
腑亦必不盡同也不能遍核耳馬之交曰踠羣牛  
之交曰達欄羊之交曰歡陽豕之交曰走食犬之  
交曰掉草皆齊語也

鼠尖喙削耳目若椒子青黑色前齒四後牙十六長鬚  
前爪四後爪五尾交如織長與身等腎有紅絲如篆  
交曰鼠印性多疑出穴不果故持兩端者曰首鼠鼠  
牙近喉與前齒不連故人不知其有牙詩與雀無角

對舉是古人亦  
以鼠爲無牙也

鼯鼠短尾前二足如掌鼯鼠胸前肉囊若袋大目  
鼠首似兔色青黃能坐而掬食香鼠色灰白長二  
三寸短尾或畜以作戲壁鼠長二寸餘居牆壁長  
首鼠身長寸餘首與身等松鼠尾末漸大如帚  
鼠卽黃鼯食鼠俗名鼠狼用其皮爲衣者曰貂曰  
銀曰灰蓋未詳者多矣故爾雅別爲部

貉

說文作狢似小狐黃褐色銳  
頭尖鼻毛深厚與獾同穴

貍

同獾或又作縹李時珍曰縹猪縹縹狗縹也二種相  
似而畧殊按縹身似犬而粗前股殘足似人脚已青

黑身長而齊形畧似猪亦似狗蘇古名曰狙曰獼狨  
總名曰獼非有二種也能穴至冬則蛰猪不食  
故常與獼同穴也

兔

形大於猫毛色褐短尾長耳缺唇前足短後足長捷  
善走一月一孕將生子時穴地作窟自埽其素糞  
草爲窩子赤身無毛與鼠同山以土掩穴口日雨  
十餘日率子出穴矣古人謂其舐雄豪而孕又曰吐  
而生皆臆說也

豺

似犬而小俗呼曰豺狗毛黃褐色尖喙白頰前後  
高長尾細瘦而猛健其聲似犬夜吠山峯聞聲而集  
數百合團麋鹿野豕之類無得脫者居人間其夜獵  
豎往尋之往往得其素餘夏小正曰豺祭獸飽而素  
之橫陳於野有似乎祭也非

狼

形似犬銳頭尖喙豎目削耳白頰腭腸色雜黃黑前  
足高行一軒一輕故曰跋其胡跋拔也尾曳而不舉

故曰寔其尾寔頤也跋胡喻公之興周寔尾喻殷之

狐

形似犬而小鼻尖尾大色黃晝伏夜出氣臊臭毛深

狸

形如猫而大有數種毛青黑斑如虎文者曰猫狸毛

者未見也

蜮

妖狐也春秋作蜮公羊傳蜮之爲言惑也又曰蜮何

以書記災也蜮何以書記異也詩與鬼並舉而曰則

不可得其卽今之

猱

說文作夔爾雅猱倮倮善援註倮一名倮倮同猱今

善緣木其形大小不一曰猱曰倮曰猱曰猱曰猱曰

猱曰倮曰猱曰猱曰猱曰猱曰猱曰猱曰猱曰猱曰

方言各

異耳

鹿

如羊而高足頭狹而長馬身羊尾黃質白斑行甚速而岐枝以夏至解卧口朝間尾以通督脈故壽

麀

牝鹿也毛黃白色無斑交亦無角

麋

似鹿而色青黑大如小牛以冬至解角

麝

即麝也似鹿而小無角黃黑色雄者牙出以外李時珍曰麝無香有香者麝也似麝而小黑色俗名香麝

貓

未詳爾雅虎竊毛謂之號貓蓋亦虎類也

虎

狀如貓而大如牛黃質黑章鉅牙鉤爪項短鼻闊舌有倒刺夜日光如燭但見一光人謂其常閉一目也

鳴

曰號怒曰咆哮

豹

似虎而小白面圓首交如錢者曰金錢豹如艾葉者曰艾葉豹如金線者曰金線豹

兕

未詳爾雅兕似牛說文狀如野牛而青又爾雅犀似豕李時珍云兕犀本一物古人言兕後人言犀北音

毛詩物名考

卷二

八

多言兕南音多言犀為不同耳按今字書皆以兕犀為二物時珍於物類考核為詳或不誤也

熊如大豕而豎目足如人掌色黑頂上長毛掩其目能蹲坐如猿足曰蠕為珍味之一冬月蟄枯木或石穴

中其小者曰豕熊狗熊大者曰馬熊人熊

羆未詳爾雅羆如熊黃白文陸疏云有黃羆有赤羆大於熊其脂如熊白而粗理

貌未詳陸疏貌似虎或曰似熊一名執夷一名白狐其子為穀遼東人謂之白羆

象生南方地身倍數牛目小如猪鼻長丈餘口隱於胸乳在胸下後股之膝在前食以鼻捲物倒啗於口一身之力皆

在鼻也

麟爾雅公羊傳皆作麕麟麕字从鹿必形似鹿而異乎鹿者也說文大牝鹿也是謂得之故狩者可獲也乃

一獲之後不闕再獲蓋可獲者似鹿之類不可謂者說者意中之麟筆上之麟也豈惟不獲將終古不



復見麟矣廣雅麟懷仁抱義音中鍾呂行步中規折旋中矩不履生蟲不踐生草音中鍾呂尚可信也中規中矩不可信矣不踐生草愈無稽矣麟形似鹿必以食草爲生豈食草而能不踐生草乎世又安得不生草之地以容麟之遊行乎

騶虞

騶虞同趣亦同趣趣從之虞也虞人能屬山澤之禁故草茂獸多詩人嘆美之傳以爲仁獸者因周南

于嗟麟兮之文而例推之不知周南蒙上文麟字而言此言葭蓬言紕縱與仁獸何與漢儒解經執一說以武斷者甚多後儒信之因有騶吾騶牙假借之字蓋人信騶虞爲獸而適有不經見之獸遂無不騶虞矣說文云白虎黑文旣爲虎矣必以食生爲生如之何仁也或曰食自死之物又安得曰有自死以供其食也賈誼曰騶者天子之囿也虞者囿之司獸者是也不以騶虞爲獸矣淮南子云商拘文王散宜生得騶虞難斯之乘以獻于紂是又以騶虞爲馬矣或以騶爲騶人虞爲虞人是因樂官備也之文而附會之

草茂獸多虞人功也  
於主馬者奚與焉

淮南子曰羽嘉生飛龍飛龍生鳳凰鳳凰生鸞鳥  
鸞鳥生庶鳥凡羽者生於庶鳥毛嬭生應龍應龍  
生建馬建馬生麒麟麒麟生庶獸凡毛者生於庶  
獸介鱗生蛟龍蛟龍生鯢鯢生鯢鯢生建邪建邪  
生庶魚凡鱗者生於庶魚介蟬生先龍先龍生元  
龜元龜生靈龜靈龜生庶龜凡介者生於庶龜爰  
濕生容爰濕生於毛風毛風生於濕元濕元生羽  
風羽風生煥介五類雜種興乎外肖形而蕃曰馮

生陽開陽閉生喬如喬如生幹木幹木生庶木凡  
根拔木者生於庶木根拔生若程若程生元玉元  
玉生醴泉醴泉生皇華皇華生庶草凡根菱草者  
生於庶草海閭生屈龍屈龍生容華容華生蓂蓂  
生萍藻萍藻生浮草凡浮生不相菱者生於萍藻  
右此類結撰作備於南華而淮南拾其唾餘今之  
註麟鳳者殆皆拾古人之唾餘耳

毛詩物名考

棲霞牟應震寅同著

鱗介部第三

水之中有天地焉鱗性浮猶飛之有羽也介性沉  
猶走之有獸也浮行水面者陽之陽也失行水底  
者陽之陰也蠕動泥中者陰之陰也穴泥而時出  
時入者陰之陽也脊無不穹腹無不坦有足則必  
四有翅亦前兩而後兩能四象之備具也或身  
細而長或腹大而短或有足而覺鱗或無目而濡

衍鱗以分爲介介以一爲鱗也鱗以孕白孕子判  
雌雄其交也羣聚而互逐雌以首摩雄腹雄遺其  
白雌吞之雄以首摩雌腹雌生子焉以是推之鱗  
鱗之屬或亦然也介以臍大臍小判雌雄雌小而  
雌大鱗育卵于水濱借日光暖之而生以是推之  
龜鼈之屬或亦然也淫雨之後蝸牛出焉其交也  
兩首相摩顛倒紐合兩有所施兩有所受疑其無  
雄雌也其子胎生以是推之蛤蚌之屬或亦然也  
龍之鬚曰鬚足曰爪魚之脊翅曰鬣鱗曰鬐頭枕

骨曰丁尾曰丙刺有歧枝曰乙食曰師動曰潑刺  
上下其口曰噉嚼齧之蓋骨曰甲邊肉曰裙龜之  
骨曰版蛤之殼曰貝蝦之刺曰螫蟹之鉗曰螯長  
身之行曰蜿蜒短身之行曰圍洋四足之行曰蹢  
踖八足之行曰郭索

鯉本草鯉為魚中之主勝鱗一道從首至尾三  
十六鱗每鱗有小黑點行常水而跳擲若飛  
鯉大者曰鰱爾雅鰱鰱鰱鰱鰱本三魚各有二名  
與鰱能鰱鰱一側而郭分爲六魚所註鰱魚形狀身  
鰱無別鰱一名鰱鰱從單音故訛鰱爲鰱而後之解  
者或訛鰱作鰱訛鰱作鰱愈博引愈紛淆矣蓋鰱  
也鰱鰱也鰱鰱也鰱即今黃鰱白鰱如蛇  
形者也漢書鰱鰱三鰱鰱即三鰱魚也

鯪 一名鯪鯪 讀若尋 卽今鯪黃魚也 頭小而尖似鰈 完

半口在頰下 色黃黑無鱗 背腹有邪行甲 大者千金

斤曰王鯪 小曰叔鯪 又小者曰鮓鯪 之

大者亦數百斤 故詩每鯪鯪並稱也

鯪 鯪也 一名鯪 一名鯪 大首但頰大口大腹

鯪身短尾有前口旁有鱗口下二小鱗

黃頰魚也 形全似鮓 色深黃脊背及二

分水有稜刺如三鱗口下爲小鱗者四

鱗 舍人曰 鯪一名鯪 郭璞注鯪也 今呼爲老鯪 形似鯪

色黃 有斑文 故又名黑魚 生子後晝夜環繞護其

子 故又名魚首 有七星 文夜朝北斗 鍊法者用

爲祭品 有齒 有舌 吞食魚子 魚之最凶暴者

鯪 卽鯪也 形狹而扁 長四五寸 鱗細整潔白

有口小口二 鱗其鱗不分無以別也

鯪 卽鯪之雄者也 形如鯪 身有花斑 紅綠相間 斑

點可愛 目中微紅 如血 游常先鱗 故曰

鯪也 鯪魚亦名 其鱗

其鱗無文 亦名 其鱗

魴一名扁小頭縮項脊潤腹扁身細鱗大者長三四寸身有采色紅紫碧綠相間較鱗尤美尾赤故曰魴魚類尾與下如戟非勢則尾赤也幽風九民言魴魴興下袞續目驗此魚者乃知古人假物託興之妙而非是以細魚大小為解

卑雅魴鯉之魚一方一圓鯉鯉之魚一俯一仰

鰱吹沙小魚也長四五寸大頭粗尾體圓

鰱即鰱也好羣行相與故曰鰱

鰱形似白鰱鱗尤細色尤白

未詳李時珍曰鰱似鯉而腹平頭似鰱而口大類似

鰱而色黃鱗似鰱而稍細大者三四十斤鰱魚最重

健而難取孔叢子言得鰱魚者垂一魴餌鰱過而不

視更以鰱之半則吞矣是知鰱為大魚魴為小魚也

傳以魴鰱同為大魚非是



蜥蜴也一名石龍子俗名馬蛇四足頭扁尾長身長七八寸赤首者曰金頭馬蛇長餘尺

蜥蜴形全似蜥蜴說文在草曰蜥蜴在壁曰蜥蜴蜥蜴者偃於庭也故一名守宮爾雅蜥蜴蜥蜴

異物爾雅混為一物四名非是

蛇說文作它象宛曲垂尾形毒蟲也扁頭細頸長身尾無足舌黑如墨歧分二叉冬蟄春出其種類不一

西陽雜俎云有

水草木上四種

蛇未詳說文虫也本草形短而扁色黃黑如土謂之蛇蛇小如蝮蝮白斑黃額尖口是也與蝮為二蛇也解

者多混為一

未詳形似蜥蜴長又餘其甲如鐵能橫飛不能上其聲如鼓古人制其皮以制鼓夏小正制鼃鼃是也字今讀為二

埤雅蛇將風則湧龍將雨則鳴故里俗以蛇蟻風

以龍蟻雨

龍

未詳說文能幽能明能巨能細能長能短春分而升  
天秋分而潛淵爾雅翼龍有九似頭似駝角似鹿眼  
似兔耳似牛項似蛇腹似蜃鱗似鯉爪似鷹掌似虎  
背八十一鱗聲如曳銅口旁有髯喚下有進鱗埤雅  
龍八十一鱗是九九之數九陽也鯉三十六鱗是六  
六之數六陰也上古之世有紫龍之術龍可索其形  
狀所傳或不似  
麟鳳之誕也

龍

一名神守形圓脊穹四周有肉裙頭能伸能縮伏潛  
沙泥首隨日轉剖卵無水之處借日光腹之而生非  
思化也埤雅云大腹純雄亦應  
說尾廣大者為雄小者為雌也  
甲蟲之長外骨內肉此頭龍頸廣肩大腹廣為於首  
能引導清氣以自飽故不食不死古人的其元以古

龜

貝

吉曰故爾雅及周禮言之特詳然業爲枯骨  
所云天地四方左倪右倪者又何自而驗之  
海蟲之甲有文彩者也陸疏其文采之異大小之殊  
甚衆古者貨貝是也朱仲相貝經畧云經尺之貝唐  
虞三代之正瑞次此者狀如赤電黑雲謂之紫貝素  
質紅黑謂之珠貝青地綠文謂之綬貝黑文黃華謂  
之霞貝紫愈疾珠明目綬消氣障風服組綬雖不延  
齡增壽其禦害一也又云南海貝如珠白駁止水  
毒浮貝使人寡無以近婦人黑白各半是也謂貝使  
人善驚無以親童子黃唇黑齒赤鬚是也雖貝使人  
病瘡黑鼻無皮是也齔貝使胎滑勿以示孕婦赤帶  
通脊是也惡貝使人善忘赤蠟肉殼赤絲是也碧貝  
使童子盜竊上有縷勾唇是也雨則重露則輕委貝  
使人志強夜行伏迷鬼狼豹百獸雨則輕解則重蓋  
古人用貝故附會其說則爲價益增豈  
一貝之藏而有此奇驗乎所不可信也

成施

說文作電爾雅與成通音爾與施通音宜亦作盛  
卽蟾蜍也俗名蟾蜍蟾蜍頭蟾蜍頭蟾蜍頭蟾蜍頭

多非磊行最遲不能躍其形  
厥人故詩取喻人醜貌也

**蜃**

似蜃而大腹身黑黃雨後大鳴其聲曰呱曰吟  
者是也又善怒以足蹙之腹張如鼓故曰怒尾

冬蜃泥底深二三尺水涸數月  
不死得伏雨則出鳴蜃類亦然

**鼃**

青鼃也一名田雞一名長股尖嘴細  
腰色有青有黃有雜斑鳴聲如鴨

**鼃狗**

似鼃而小背色皂腹紅黑作斑鳴  
如擊柝者此也聲亦類犬故名

**鼃**

形如鼃狗身微長腹色白  
遼人名曰吟石鳴者是也

**魚獸**

陸疏魚服云魚獸之皮也其形似猪東海有之一  
名魚狸其皮背上班文腹下純青今以爲弓鞬步

又者也其皮雖乾燥經年海將潮及天將雨其毛皆  
起潮還及天晴毛復如故雖在數千里外可以知海  
水之潮氣  
自相感也

嘉魚

嘉美之魚也故傳曰江漢之間魚所產也陸氏疏

魚服亦不疏嘉魚今解者謂出梧火山下丙穴又  
曰蜀中丙穴亦出豈成  
周之時卽馳驛進魚耶